

Tasdawit n Bgayet /Tasga n tutlayt n yides n tmaziyt  
Akayad n tesnilest tamatut/Aseggas amezwaru LMD/Amesdis amezwaru  
Iselmaden : Yacine MEZIANI d Youcef ZENNAD

## AMEDYA N USEΓTI

1. Acuyer ur nezmir ara ad nehseb tajerrumt akked tesleðrist (tafilulujit) d tussniwin akka am tesnilest tatrart ? (/5)

Saussure, akken ad d-isebedd tussna ara izerwen tutlayt, yebda s uzyan (asenqed) n wayen yellan weqbel. Yenna-d : « Tussna i izerrwen tutlayt teedda-d ȣef krad n tegnatin yemsedfare send ad teeqel asentel-ines n tidet ». S wakka ad nefhem dakken ayen yettwaxedmen weqbel, ȣer Saussure, ur yettwahsab ara d tussna acku ur iban ara usentel n tidet. Syin yessefhem-d akken iwata s uskan n wayen yellan deg yal amahil. Da, deg ukayad-a, tamsalt terza tajerrumt n Yigrigiyen akked tfilulujit.

Tajerrumt : (2,5/5)

- Ur iban ara usentel-ines n tidet
- Tebna ȣef tmežla
- Ur tefki ara azal i tutlayt s timmad-is
- Tekkat kan ad d-tefk ilugan d usemgired gar wayen yeñtin d wayen yeccden
- D tussna tanagnut
- Tebæed ȣef tamawt
- Tamuqli-ines d tudyiqt

Tafilulujit : (2,5/5)

- Asentel-ines d tutlayt d wayen-nniđen
- Tettak azal i umezruy, i wansayen, ...
- Tessexdam azyan (asenqed)
- Iswi agejdan d awennet, d asesbek, ...n yiđrisen s userwes gar-asen
- Tettak azal i tutlayt yuran kan (acku txeddem ȣef yiđrisen)

Tamawt : akka imir-a, tajerrumt akked tfilulujit d tussniwin.

2. D acu i d-yewwi Saussure d amaynut i tussna i izerrwen tutlayt armi i yettwahsab d ababat n tesnilest tatrart ? (/3)

Atas n temsal iż-żej d-yemmeslay Saussure deg udlis-ines Timsirin n tesnilest tamatut, maca ayen i neħseb d agejdan, neq̇ ayen iż-żej ilaq ad nmuqqel deg tazwara d aya :

- Yesbadu-d asentel n tesnilest (1/3)
  - Yessegza-d tarrayt swayes ara tezrew asentel-a (1/3)
  - Yessegza-d dayen adeg ara tettef tussna-ya (=tasnilest) gar tussniwin-nniđen (1/3)
- 3. Ssegzi-d s telqey amgired (lxilaf) i yellan gar tutlayt d usiwel (lhedra). (/5)**

Saussure yessemgared gar tutlayt d usiwel akka :

Tutlayt : (2,5/5)	Asiwel (lhedra) : (2,5/5)
<ul style="list-style-type: none"> <li>- Terza timetti</li> <li>- Γur-s azal d ameqqrān</li> <li>- Ilemmed-itt umdan war leb̄yi-is</li> <li>- Attan deg wallayen n yimdanen</li> <li>- D agraw n limarat deg wallay n umdan</li> <li>- Tesdukel imdanen n yiwen n temyiwent tutlayant</li> </ul>	<ul style="list-style-type: none"> <li>- Yerza amdan (yal yiwen iman-is)</li> <li>- Ur yesei ara azal akka am tutlayt (d tignatin kan)</li> <li>- D tigawt n leb̄yi (amdan yettmeslay s leb̄yi-s)</li> <li>- D ayen nettmeslay/neq̇ nettaru</li> <li>- D agraw n wayen ssawalen yimdanen</li> <li>- Yal yiwen yettmeslay akken i as-yehwa, akken yessen, akken yezmer, ...</li> </ul>

**Tamawt** : maca tutlayt d usiwel d snat n tyawsilin yeqqnen ta ḡer ta, s usiwel i nzerr dakken tella tutlayt, dayen amer ulac tutlayt ur yrtili ara usiwel. Bejju-ya yella-d akken kan ad d-ibin usentel n tesnilest akken iwata. Ger saussure, sin-a mi duklen ttaken-d ameslay : tutlayt + asiwel = ameslay.

- 4. Bder-d tisnilsin n Saussure, tiniđ-d anti i yesmenyif. (/3)**
- Tasnilest n tutlayt/tasnilest n usiwel. (0,5/3) Yesmenyif tasnilest n tutlayt (0,5/3)
  - Tasnilest tagensant (tandaxelt)/tasnilest tuffiżt (tanberrat). (0,5/3) Yesmenyif tasnilest tagensant. (0,5/3)
  - Tasnilest tazgerkut (tagrallit)/tasnilest tayenkudt (taynallit). (0,5/3) Yesmenyif tasnilest tayenkudt. (0,5/3)

**5. Saussure yenna-d dakken *tutlayt d anagraw n yizmulen*. Ssegzi-d s umedya assayen yettilin gar yizmulen-a. (/4)**

Tutlayt d anagraw n yizmulen : d anagraw acku izmulen-a sean assay way gar-asen. Llan sin n wassayen : assay anudus d wassay asduklan.

**a) assay anudus (1/4)** : d assay yellan gar wawalen n tezrart (n wudus = n tefyirt). Uduš d agraw n wawalen yesean anamek.

Assay anudus d assay n tihawt (in praesentia) : awalen (izmulen) yesean assay llan akk deg tezrart-nni (deg wudus-nni/deg tefyirt-nni).

**b) assay asduklan (1/4)** : awalen (izmulen) yellan deg wudus (=tafyirt) sean dayen assay d wawalen ay ulac din.

Assay asduklan d assay n tibawt (in absentia). D assay ay sean wawalen yellan deg wudus akked wawalen-nnidən i yellan deg wallay n umdan.

### Asegzi s umedya : (2/4)

Yura unelmad tamsirt = udus.

Assay anudus : d assay i yellan gar yiferdisen (awalen / tayunin / izmulen) n wudus-a.

Assay asduklan : d assay ay sean wawalen-a akked wawalen ay ulac deg wudus-a, maca llan deg tutlayt.